



Unniqtut

Tapkuat Umiiyautai HMS *Erebus* tamnalu HMS *Terror*

Tapkuat Umiiyautai HMS *Erebus* tamnalu HMS *Terror* tapkunangaqtut Sir John Franklin 1845-mi aulagianga qiniqhuniuk tahamna Ukiurtaqtup Tagiukkut Aulagianga. Tapkuat tammaqni tapkuak umiaqpak pinguqhimayuk ilagiyat atuqpakhimaniqnut anginiqpaq naluyauniat, piyumaligutaupluni Kanatamiuni inungnitlu hilaqyuaqmi avataanut hannat nappaalu ukiut. Akungani 1848 tamnalu 1880, tukligiit aulagiat qiniqtai naunaipkutainik tapkuat umiaqpait tapkuatlu 129 angutit. Annaktuqangittut naliaknitluniit umiaqpak nalvauyuqaqhimaittuq, kihimik qiniqni pityutauyut nunauyaliuqnianik anginiqhamik ilagiyat taty Kanatamiuni Ukiunganik. Inuit ilihimani piqagutauyut atuqpiagialiknik naunaipkutat tapkununga huiqhimani Franklin Aulagiat ikayuqhugitlu qiniqtut havaqatigit nalvaqni tapkuat umiiyagutauyut 2014-mi tamnalu 2016-mi. Tahapkuat atuqpiagtut inituqlituqat inai naunaigutauyut nutaanik huiqhimanit huliniit tapkuat Franklin Aulagiat tapkualuttauq uumunga atuliqtunut ukiunut qiniqnit tamaitnut.

HMS *Erebus* tamnalu HMS *Terror*, ataniqtugauplkutik taphumanga Sir John Franklin, aulagut talvanga Great Britain talvani Mai 1845 hagimagiyauqpiagtumun qiniqniqmik taphuminga Ukiurtaqtup Tagiukkut Aulagianganik. Talvuuna, European-kut titiqtuqat angiyumik ilagiyat tahamna Ukiurtaqtup Nunagiyait ukiurtaqtuplu tagiup hinaa tahaphuma North America, nigjukviunitlu angiyumik atuttiaqnikhat Franklin-kut aulagiangat. Tapkuak malguk qaqtataugaluk umiaqpak hanatqikhaqtauhimayuk Ukiurtaqtumi aularniqmun, Nakhaqtitauhimayut nutanguqhimayunik pitquhiliqutinut atuqtakhainik pingahut-ukiunut aulagutikhainik. Tahamani pingangnaata tagiup hinaani Akukittuq, *Erebus* tamnalu *Terror* uhiliqtut taquakhanik, havaktitlu ilagiyai aulattitai tahapkuat kingullikhauniaqtunniit titiqat angilgamingnut. Talvani Aagasi 1845-mi, Franklin-kut umiaqpai kahuqhimayai malguk arviqhiuqtit umiaqpak tahamani Baffin Bay. Tapkununga 129 ilaayunut tapkunani *Erebus* tamnalu *Terror*, una kingulliqmik katiqatiginikhat tahapkuninga European-nik. Tahapkuat angutit ataniogiyailu kingulliqmik takuyauniat inuutitlugit tahapkununga Inuit, tahapkuat qakutikkut takuqattaqta.

Pikmata tapkuat umiaqpait atanigiyailu havaktitlu utingiliqmata, akuniuyuuq qiniqtauniat atuqtauyuuq. Kinguniagut Inuit inipkauhiit tugagutauyut qiniqtinut tahamunga King William QIkiqtaanut. 1859-mi, Lt. William Hobson talvanga uunaqutilikmun ingniqutilikmun umiaqpak Fox, tamna sartuqtauyuuq nutqagumangittumin Lady Jane Franklin, nalvartuq inngumaknaqtumik tuhaqhityut qimaktauyuuq inukhukmi. Tamna tuhaqhit nauanigutauyuuq tapkuak umiaqpak ayuqhittuk hikumun atpaqtitlugu 1846 taimainginnaqhunilu ukiumun nappaaniklu, tamnalu Franklin qaphitlu havaktiit ilaayut tuqyut. Tapkuat annaumallaktut qimaktai tapkuak umiaqpak aulagiaqhutiklu Hanningayup Iqaluquqtuyuuq Kuugaanut, unghiktumun nigjata kanangnaani. Tapkuat havaktit angutit tuhatqikviungittut. Huli qiniqni nalvagutauyut inungnit hauniinik, iluviit, piqutigaluitlu. Piyauyumani huiqtut umiaqpait atuinaqtut tapkunani 19 hannait tikittuqhugu 21 hannaitnut ukiungini.

2014-mi, atuqtitlugu tamna siksinga ukiuq tapkuat Minnguiqhiqviit Kanatami nutanguqtaunia qiniqniqmun pinahuaqniat tammaqhimayunik umiaqpaknik, qiniqtut havaqatigit nalvaqtat umiiyagutauyuuq HMS *Erebus*. Inigiya tahamani Kiilliniq Iluiliup Tagiungani, tahamanga pingangnaani tagiup hinaani Tikigaqyuap, naunaigutauyuuq Inuit pitquhiit unipkauhiit inituqlituqatlu naunaipkutai tapkununga huiqhimayut Franklin havaktiit angutit. Malguk ukiuk qangiqtitlugu, tamna umiiyagutauyuuq HMS *Terror* nalvauyuuq unghallanit pipluguttauq nunalikni



Inuit ilihimanit. Tamatkikni umiiyagutauyuk hunniuumaittuk tamnalu, piplugu atuqhimayuq umiaqpani piqutituqat, piqaqtitiyut tuhagumayauyunik nutanik tuhagakhanik naunaipkutauyunik tapkuninga aulagianik.